



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Broj: T09 0 KTK 0012728 11
Sarajevo, 12.02.2020. godine

KANTONALNI SUD U SARAJEVU

Na broj predmeta 09 0 K 019389 16 K

Na osnovu člana 290. Zakona o krivičnom postupku FBiH, podnosim:

IZMJENU OPTUŽNICE

Protiv:

- 1. DŽUMHUR NARCIS**, rođen 1947. godine, nastanjen u ul., općina Sarajevo, po narodnosti Bošnjak, državljanin BiH, po zanimanju dipl. inženjer saobraćaja, penzioner od 2010. godine, završena VSS Fakultet prometnih znanosti u Zagrebu, oženjen, otac troje djece, srednjeg imovnog stanja, JMB:, služio vojsku, nema čin rezervnog vojnog starješine, vodi se u vojnoj evidenciji u općini, nije odlikovan, neosuđivan, branilac, advokat iz Sarajeva,
- 2. RAMIĆ SEJO**, rođen 1963. godine, nastanjen u ul., općina Sarajevo, po narodnosti Bošnjak, državljanin BiH, po zanimanju dipl. ekonomista, zaposlen u JP Željeznice F BiH, završena VSS Ekonomski fakultet u Sarajevu, oženjen, otac dvoje djece, srednjeg imovnog stanja, JMB:, služio vojsku, nema čin rezervnog vojnog starješine, vodi se u vojnoj evidenciji u općini, nije odlikovan, neosuđivan, branilac, advokat iz Sarajeva,
- 3. SALKETIĆ SMAJO**, rođen 1953. godine, nastanjen u ul., općina Sarajevo, po narodnosti Bošnjak, državljanin BiH, po zanimanju dipl. inženjer saobraćaja i dr. tehničkih nauka, zaposlen u JP Željeznice F BiH na radnom mjestu savjetnik generalnog direktora, završena VSS Saobraćajni fakultet u Zagrebu, oženjen, otac troje djece, srednjeg imovnog stanja, JMB:, služio vojsku, nema čin rezervnog vojnog starješine, ne vodi se u vojnoj evidenciji, nije odlikovan, neosuđivan, branilac, advokat iz Sarajeva,
- 4. LUČIĆ NINOSLAV**, rođen 1949. godine, nastanjen u ul., općina Sarajevo, po narodnosti Hrvat, državljanin BiH i Republike Hrvatske, po

zanimanju dipl. elektro- inženjer, zaposlen u JP Željeznice F BiH, završena VSS Elektrotehnički fakultet u Sarajevu, oženjen, otac dvoje djece, srednjeg imovnog stanja, JMB:, služio vojsku, nema čin rezervnog vojnog starješine, vodi se u vojnoj evidenciji općine, nije odlikovan, neosuđivan, branilac, advokat iz Sarajeva,

5. **MUJKANović SVETLANA** zvana „Ceca“, rođena 1956. godine, nastanjena u ul., općina, po narodnosti Srпкиnja, državljanka BiH, zaposlena u JP Željeznice F BiH na radnom mjestu glavnog referenta, završena VSS Pravni fakultet u Sarajevu, udata, majka jednog djeteta, lošeg imovnog stanja, JMB:, nije služila vojsku, nema čin rezervnog vojnog starješine, ne vodi se u vojnoj evidenciji, nije odlikovana, neosuđivana, branilac po službenoj dužnosti, advokat iz Sarajeva,
6. **VLAJČIĆ ZUFER**, rođen 1950. godine, nastanjen u ul. općina, po narodnosti Bošnjak, državljanin BiH, po zanimanju dipl. mašinski inženjer, zaposlen u JP Željeznice F BiH, završena VSS Mašinski fakultet u Titogradu, oženjen, otac jednog djeteta, srednjeg imovnog stanja, JMB:, nema čin rezervnog vojnog starješine, vodi se u vojnoj evidenciji, nije odlikovan, neosuđivan, branilac, advokat iz Sarajeva,
7. **SILAJDŽIĆ NASIR**, rođen 1958. godine, nastanjen u ul., općina Sarajevo, po narodnosti Bošnjak, državljanin BiH, po zanimanju inženjer mašinstva i inženjer saobraćaja, osnivač i stopostotni vlasnik firme „Gredelj“ d.o.o. Sarajevo, završena VSS Mašinski fakultet u Novom Sadu i Saobraćajni fakultet u Travniku, oženjen, otac dvoje djece, dobrog imovnog stanja, JMB:; branilac, advokat iz Mostara,
8. **PRAVNA OSOBA TŽV-GREDELJ Društvo sa ograničenom odgovornošću za proizvodnju i promet Sarajevo** (skraćena oznaka firme TŽV- Gredelj d.o.o. Sarajevo), sa sjedištem u Ul. Kranjčevića broj 21, Općina Centar Sarajevo, JIB:, čiji je vlasnik i osnivač Nasir Silajdžić, direktor bez ograničenja ovlaštenja, upisan u sudski registar Općinskog suda u Sarajevu,

ŠTO SU:

Džumhur Narcis, Ramić Sejo, Salketić Smajo, Lučić Ninoslav i Mujkanović Svetlana (zajedno)

1. U vremenskom periodu od februara 2008. do 20.08.2009. godine, u Sarajevu, kao odgovorne osobe u pravnoj osobi Javno preduzeće Željeznice Federacije BiH, sa sjedištem u Ul. Musala br. 2., i to Džumhur Narcis, u svojstvu Predsjednika Uprave –

Generalnog direktora shodno ovlaštenjima predsjednika Uprave iz čl. 5 Menadžerskog ugovora broj: od 14.07.2006.godine, koji u okviru zakonskih propisa i Statuta Društva odgovara i nadležan je da zastupa i predstavlja Društvo i odgovara za zakonitost poslovanja, te članovi Uprave Društva: Ramić Sejo – Izvršni direktor za ekonomske poslove po osnovu zaključenog Menadžerskog ugovora za člana Uprave društva broj od 28.12.2006. godine, Salketić Smajo – Izvršni direktor za poslove željezničkog operatora po osnovu zaključenog Menadžerskog ugovora za člana Uprave društva broj od 28.12.2006. godine, Lučić Ninoslav – Izvršni direktor za poslove željezničke infrastrukture po osnovu zaključenog Menadžerskog ugovora za člana Uprave društva broj od 28.12.2006. godine i Mujkanović Svetlana - član Uprave društva i Izvršni direktor za pravne i kadrovske poslove po osnovu zaključenog Menadžerskog ugovora broj od 28.12.2006. godine, shodno ovlaštenjima iz člana 6. menadžerskih ugovora, u namjeri pribavljanja imovinske koristi TŽV „Gredelj“ d.o.o. Sarajevo, Nasiru Silajdžiću i sebi, zloupotrijebili položaj i ovlaštenja, prekoračivši granice svojih ovlaštenja, svjesni da donose odluke na štetu JP Željeznica FBiH, na što su i pristali, postupajući suprotno Statutu JP ŽFBiH d.o.o. Sarajevo, Zakonu o javnim preduzećima Federacije BiH („Sl.novine FBiH“ broj: 8/2005, 81/08), Zakonu o javnim nabavkama Bosne i Hercegovine („Službeni glasnik Bosne i Hercegovine“, broj: 49/04, 19/05, 52/05, 8/06, 24/06, 70/06), na način da su:

- a) u usmenom kontaktu sa A.F., insistirali da se na tender za popravku 4 lokomotive firma prijavi zajedno sa TŽV Gredelj d.o.o. Sarajevo, vlasništvo Nasira Silajdžića, na što je F. pristao, da bi dana 21.05.2008. godine na 48. Sjednici Uprave društva, jednoglasno donijeli Odluku o dodjeli Ugovora za glavnu opravku sa modernizacijom-investigijom tri dizel lokomotive serije „...“ i jedne dizel električne lokomotive serije „.....“, firmama TŽV Gredelj d.o.o. Sarajevo i po tenderu broj, broj, nakon čega je Džumhur Narcis dana 02.07.2008. godine sa Nasrom Silajdžićem, vlasnikom i direktorom TŽV Gredelj d.o.o. Sarajevo potpisao Ugovor za glavnu opravku sa modernizacijom-investigijom tri dizel lokomotive serije „...“ i jedne dizel električne lokomotive serije „...“, broj, po istom tenderu, između JP Željeznice F BiH - naručilac posla i TŽV Gredelj d.o.o. Sarajevo - izvođač radova, kojim je ugovorena cijena radova u iznosu od 14.042.222,03 KM, iako su pri donošenju odluke o dodjeli navedenog ugovora znali da su Planom investiranja željezničkog operatora na navedenoj stavci bila planirana sredstva u iznosu od 8.000.000,00 KM, znajući da se radi o štetnom ugovoru suprotnom interesima JP Željeznice FBiH, zbog dogovorene cijene usluge koja je bila znatno veća od tržišne, te svjesni da izvođač radova s kojim su zaključili ugovor - TŽV Gredelj d.o.o. Sarajevo nema materijalne i kadrovske uslove za rad na poslovima popravke lokomotiva, reference za pružanje takvih usluga, niti vlastite pogone i sredstva za vršenje opravke, postupili suprotno članu 12. stav 1. tačka b) alineja 3. Zakona o javnim nabavkama Bosne i Hercegovine,

kojim je propisano da se postupak javne nabavke mora otkazati kad su cijene svih ponuda značajno veće od planiranog i odobrenog budžeta ugovornog organa, te suprotno članu 6. Zakona o javnim nabavkama BiH i članu 8. Uputstva o primjeni Zakona o javnim nabavkama BiH, jer nisu izvršili procjenu vrijednosti ugovora o javnoj nabavci, iako su to bili obavezni učiniti, čime su nastojali prikriti činjenicu da je vrijednost ugovora znatno veća u odnosu na planirani iznos u budžetu za ovu nabavku, uslijed čega je zaključenjem navedenog štetnog ugovora prouzrokovana šteta željeznicama FBiH u iznosu od 4.135.880,89 KM na što su i pristali, da bi

- b) Dana 28.07.2008. godine, Džumhur Narcis, Ramić Sejo, Salketić Smajo, Lučić Ninoslav, preminuli Šandor Erich i Mujkanović Svetlana u svojstvu predsjednika i članova Uprave, prekoračivši granice svojih ovlaštenja, u namjeri pribavljanja imovinske koristi za TŽV „Gredelj“ d.o.o. Sarajevo, njenog vlasnika i osnivača Nasira Silajdžića i za sebe, donijeli Odluku broj o zasnivanju založnog prava na dvije dizel hidraulične lokomotive serije ..., broj ... i ..., vlasništvo JP Željeznice F BiH d.o.o. Sarajevo, koje su poslužile kao sredstvo obezbjeđenja Ugovora o dugoročnom kreditu broj, sklopljenog dana 28.07.2008. godine između i TŽV Gredelj d.o.o. Sarajevo koji je potpisao Nasir Silajdžić, za finansiranje obaveza po osnovu Ugovora broj potpisanog između i TŽV Gredelj Sarajevo radi izvođenja glavnog popravka sa modernizacijom tri dizel-hidraulične lokomotive serije ... i jedne dizel-električne lokomotive serije, za koji su znali da je zaključen kao i da se radi o nedopuštenoj aktivnosti, koja je u suprotnosti sa članom 76. tačka a) i članom 77. tačka a) Statuta JP Željeznice F BiH i suprotna članu 41. Zakona o javnim preduzećima u Federaciji BiH, jer je Društvu u obavljanju poslovanja strogo zabranjeno davanje i pružanje garancija ili osiguranja za kredite, da bi
- c) Dana 28.07.2008. godine, suprotno čl. 42. stav 1. tačka a) Zakona o javnim preduzećima u Federaciji BiH kojim je propisano da izmirenje duga plaćanjem trećem licu, odnosno Ugovore o cesiji duga, društvo može poduzeti isključivo uz pisano ovlaštenje Nadzornog odbora, u svojstvu odgovornog lica JP Željeznice F BiH kao Založnog dužnika-jemca, Džumhur Narcis, bez pisanog ovlaštenja Nadzornog odbora JP ŽFBiH, kod, potpisao Ugovor o zalogu broj sa založnim povjericem, Ugovor s kreditnom klauzulom broj od 28.07.2008. godine, Mjenično ovlaštenje od 28.07.2008. godine, 10 bjanko mjenica serijskih brojeva:, te Ugovor o ustupanju-cesiji potraživanja broj: od 28.07.2008. godine, u svrhu obezbjeđenja kredita firmi TŽV Gredelj d.o.o. Sarajevo u iznosu od 8.000.000,00 KM, pa su svojim protivpravnim i štetnim postupanjem

omogućili TŽV Gredelj d.o.o. Sarajevo da obezbjedi novčana sredstva za realizaciju ugovorom preuzetih obaveza, čime su omogućili TŽV Gredelj d.o.o. Sarajevo dobijanje kredita u ukupnom iznosu od 8.000.000,00 KM za realizaciju obaveza po zaključenom Ugovoru broj:, uslijed kojih radnji je nezakonito opterećena imovina JPŽ FBiH,

- d) Dana 04.02.2009. godine Džumhur Narcis, Ramić Sejo, Lučić Ninoslav, i preminuli Šandor Erich, na 63. Sjednici Uprave društva, jednoglasno donijeli Odluku broj od 04.02.2009. godine o priznavanju troškova nepredviđenih radova po Ugovoru broj, nakon čega je Džumhur Narcis, u svojstvu odgovorne osobe JP ŽFBiH, dana 20.08.2009. godine potpisao Anex 1 na Ugovor od 02.07.2008. godine, između JP Željeznice F BiH i TŽV Gredelj d.o.o. Sarajevo, za te nepredviđene radove na iznos od 490.321,44 KM, iako su znali da se uslovi utvrđeni u tenderskoj dokumentaciji ne mogu mijenjati, te da je u skladu sa članom 11. stav 4. tačka d) Zakona o javnim nabavkama BiH bilo potrebno za radove koji nisu predviđeni tenderom provesti poseban pregovarački postupak s jednim ili više pozvanih dobavljača,

pa obzirom da je sve poslove u vezi popravke-modernizacije 4 lokomotive, shodno posebno zaključenom Ugovoru broj od 02.07.2008. godine, između i TŽV Gredelj d.o.o. Sarajevo, u cijelosti obavilo za iznos od 8.285.096,41 KM, a TŽV Gredelj Sarajevo istu uslugu fakturisao JP Željeznicama FBiH u iznosu od 12.420.977,31 KM, svi su naprijed navedenim radnjama, omogućili pribavljanje imovinske koristi firmi TŽV Gredelj d.o.o. Sarajevo, Nasiru Silajdžiću i sebi, u iznosu od 4.135.880,89 KM, koji iznos predstavlja razliku između iznosa faktura koje su od isporučene za izvršene usluge TŽV Gredelj Sarajevo, tako da je TŽV Gredelj d.o.o. Sarajevo bez ikakvog vršenja radova po izvršenoj popravci od strane ispostavio JP ŽFBiH na naplatu uvećane fakture za 33,2975 % ili više od 1/3 ugovorene vrijednosti, te su za taj uvećan iznos ispostavljenih faktura u odnosu na stvarnu vrijednost izvršenih radova koji uključuje i zaradu nanijeli štetu JP Željeznicama F BiH,

dakle, u saizvršilaštvu, kao odgovorne osobe iskoristili svoj službeni položaj i ovlasti, prekoračivši granice svoje službene ovlasti, pribavili sebi i drugom imovinsku korist, te time nanijeli štetu JP Željeznice FBiH, a pribavljena imovinska korist prelazi iznos od 50.000 KM, te kao predstavnici pravne osobe u njezinoj privrednoj djelatnosti sklopili ugovor za koji su znali da je za tu pravnu osobu štetan i time prouzrokovali štetu pravnoj osobi, a pri tom prouzrokovana šteta prelazi 200.000 KM,

Džumhur Narcis i Ramić Sejo (zajedno)

2. U vremenskom periodu od 12.04.2010. do 26.04.2010. godine u Sarajevu, u svojstvu odgovornih osoba i to Džumhur Narcis kao Generalni direktor i Ramić Sejo

kao Izvršni direktor za ekonomske poslove u JP Željeznice F BiH, u vrijeme kada je Federalna uprava policije pod nadzorom Tužilaštva provodila radnje na otkrivanju krivičnog djela i počinioca a vezano sa posao opravke četiri lokomotive, što im je bilo poznato, po prethodnom dogovoru, s ciljem prikrivanja krivičnog djela i počinitelja i izbjegavanja vlastite krivične odgovornosti, nakon Zahtjeva Federalne uprave policije za dostavu dokumentacije, izvršili krivotvorenje originalne i vjerodostojne Odluke o dodjeli ugovora broj od 21.05.2008. godine, na način da je Ramić Sejo svjestan zabranjenosti djela, naredio M.M., zaposlenoj u JP Željeznice FBiH, da otkuca na računaru novu odluku po uzoru na raniju originalnu, tako što će je sačiniti u istom fontu slova, istim pismom, pod istim ranijim brojem i datumom, te je izmjeniti tako što će izostaviti dio teksta koji se odnosi na plansku poziciju i visinu novčanih sredstava predviđenih u iznosu od 8.000.000,00 KM za popravak dizel lokomotiva serije ... i ..., pa nakon što je ova odbila da to učini, isti joj naredio da njegovo naređenje prenese referentu S.N., koja je postupila po naredbi i otkucala odluku traženog sadržaja, te su takvu preinačenu ispravu sa izostavljenim spornim tekstom, Ramić Sejo u dogovoru sa Džumhur Narcisom, ovjerali faksimilom generalnog direktora i pečatom broj 1 JP Željeznice F BiH, te je upotrijebili, na način da su je kao pravu uložili kao prilog uz prateći akt JPŽ FBiH broj od 16.04.2010. godine, potpisan od strane Džumhur Narcisa, a koju dokumentaciju je po nalogu Ramić Seje, uposlenica JPŽ FBiH M.M. dostavila na protokol Federalne uprave policije dana 26.04.2010. godine,

dakle, u saizvršilaštvu, kao odgovorne osobe u poslovne isprave unijeli neistinite podatke, odnosno nisu unijeli važan podatak, te svojim potpisom i službenim pečatom ovjerali poslovnu ispravu s neistinitim sadržajem, te istu upotrijebili kao istinitu,

Vlajčić Zufer (sam)

3. Od 18.02.2008. do 21.05.2008. godine, u Sarajevu, kao zaposlenik JP ŽFBiH, obavljajući dužnost predsjednika Komisije za nabavku, imenovane Rješenjem Uprave JP Željeznice F BiH broj od 18.02.2008. godine, kao odgovorna osoba, u dogovoru sa naprijed imenovanim članovima Uprave ŽFBiH, ne obavivši svoje službene dužnosti, pribavio Narcisu Džmuhuru i drugim članovima Uprave Društva JP ŽFBiH, Nasiru Silajdžiću, TŽV Gredelj Sarajevo i sebi imovinsku korist i nanio štetu JP ŽFBiH, tako što je u Izvještaju i preporuci Komisije za nabavku broj ... od 29.04.2008. godine dao preporuku Upravi društva da kao najpovoljniju ponudu za nabavku roba prihvati zajedničku ponudu ponuđača TŽV Gredelj d.o.o. Sarajevo i za ukupan iznos 14.042.222,03 KM, iako je znao da je u Planu investicije Željezničkog operatera za 2008. godinu bilo predviđeno za ovu stavku 8 miliona KM, te je znao da prema Studiji o izvodljivosti rekonstrukcije manevarskih lokomotiva ŽFBiH serije ... i ... cijena vrijednosti projekta opravke tri lokomotive serije ... i jedne lokomotive serije ... iznosi 6.272.370,00 KM, jer je učestvovao ispred JP ŽFBiH kao konsultant za tehnička pitanja kod sačinjavanja navedene Studije, te je znao da je tokom 2006. godine bio raspisan tender broj od 13.09.2006. godine za glavnu popravku i modernizaciju

- Pod tačkom 3. **Vlajčić Zufer** počinio krivično djelo **Zloupotreba položaja ili ovlašćenja** iz čl. 383. st. 3. u vezi sa st. 1. istog člana Zakona, u vezi člana 31. KZ FBiH,
- Pod tačkom 4. **Silajdžić Nasir** počinio krivično djelo **Zloupotreba položaja ili ovlašćenja u pomaganju** iz čl. 383. st. 3. u vezi sa st. 1. istog člana Zakona, a sve u vezi čl. 33. i čl. 55 KZ FBiH, a pravna osoba **TŽV Gredeļ d.o.o. Sarajevo** bila odgovorna za krivično djelo **Zloupotreba položaja ili ovlašćenja u pomaganju** iz čl. 383. st. 3. u vezi sa st. 1. istog člana Zakona, a sve u vezi čl. 33. i čl. 55 KZ FBiH i čl. 128. tačka c) KZ FBiH.

KANTONALNI TUŽILAC